


15.07.2011.	Dnevni avaz		
Strana, naslov:	Str. 17 – Proizvodnja pokrenuta, poslovanje otežano		
Autor	A. Dučić		
Rubrika, mjesto	Biznis		
Površina	17 cm x 23 cm	Ocjena:	0
Ključna riječ	Općinski sud u Sarajevu		

*Ocjena: P – Pozitivna, 0 – Neutralna i N – Negativna



Pravnu zavrslamu ilustrira činjenica da je nad preduzećem otvoren stečajni postupak

Iako su radnici jablaničkog Granita nakon višegodišnje agonije u proteklim danima uspjeli pokrenuti proizvodnju, poslovanje ovog preduzeća i dalje koče sudovi. Tačnije, Općinski sud koji registarske spise ovog preduzeća još nije vratio u Općinski sud Mostar.

Kako nam je objasnio pr-

avni zastupnik radnika Granita, advokat Nino Gvozdić, registarski spis Granita mostarski sud je trebao već davno dobiti, s obzirom na to da je poništena preregistracija ovog preduzeća u Sarajevu.

- Preduzeće Granit Jablanica Sarajevo koje je ranije preregistriralo bivše rukovodstvo ovog preduzeća s Muhame-

dom Marićem na čelu, protiv kojeg se vodi istraga, pravno je nepostojeći subjekt, jer je brisan iz sudskog registra. Problem je i u tome što sutkinja Općinskog suda Sarajevo Subhija Hodžić rješenje o brisanju subjekta ni nakon osam mjeseci od njegovog donošenja nije objavila u "Službenim novinama". To koči sada ponovnu registraciju firme, čiji je većinski kapital vraćen državi - objasnio je Gvozdić.

O pravnoj zavrslami u kojoj se Granit i dalje nalazi, uprkos poništenju privatizacije i vraćanja firme državi, kako nam je rekao Gvozdić, govori i činjenica da je nad ovim preduzećem i dalje otvoren stečajni postupak. Nje ga je, također, pokrenulo bivše rukovodstvo jablaničkog




Gvozdić: Prekid postupka preduzeća s Marićem na čelu.

- Taj stečaj je upravo otvoren nad preduzećem Granit Jablanica Sarajevo, koji više u sudskom registru ne postoji! Ja sam sada zatražio prekid stečajnog postupka dok ne riješimo pitanje pravnog subjektiviteta, te očekujem što bržu sudsku odluku - kazao nam je Gvozdić. **A. DUČIĆ**

Izdana naredba

Iz Općinskog suda Sarajevo dobili smo odgovor u kojem stoji da je nadležni sudija 27. juna izdao naredbu da se rješenje o brisanju subjekta objavi u "Službenim novinama FBiH". Obazložili su da spis društva Granit Jablanica još nije vraćen u


Općinski sud Mostar iz razloga što je po ranijoj prijavi društva Granit "rješenjem ovog suda od 7. juna 2010. prekinut postupak, te će po nastavku postupka i odlučivanju po prijavi predlagatelja cijeli spis biti dostavljen sudu u Mostaru".

15.07.2011.	Oslobođenje		
Strana, naslov:	Str. 7 – 70 posto komunalnih predmeta		
Autor	n/a		
Rubrika, mjesto	M.Đurović-Rukavina		
Površina	9 cm x 9 cm	Ocjena:	0
Ključna riječ	Općinski sud u Sarajevu		

*Ocjena: P – Pozitivna, 0 – Neutralna i N – Negativna

70 posto komunalnih predmeta

U odgovorima koje su dale nadležne pravosudne institucije Evropskoj komisiji, između ostalog, stoji i podatak da je od 2005. do 2010. ukupno zaprimljeno 88 prijava za korupciju u pravosuđu. Također, 1. januara 2010. broj neriješenih krivičnih, građanskih i upravnih predmeta u svim sudovima u BiH iznosio je 211.014. Tokom 2010. zaprimljeno je još toliko novih predmeta, 211.734. Tako je u 2010. u svim sudovima u BiH u radu bilo 422.748 krivičnih, građanskih i upravnih predmeta. U toj godini riješen je 212.901 predmet, a zaključno sa 31. decembrom 2010. ostalo je neriješeno 209.847 građanskih, krivičnih i upravnih predmeta. U 2010. u krivičnom postupku u 199 predmeta oduzeta je imovinska korist od 14,8 miliona KM, a izrečeno je novčanih kazni u krivičnom postupku u 1.816 predmeta u vrijednosti oko 2,5 miliona KM. Najviše neriješenih komunalnih predmeta ima u pet sudova u BiH i to: Općinski sud Sarajevo, Općinski sud Zenica, Općinski sud Tuzla, Osnovni sud Bijeljina i Osnovni sud Banja Luka. Ukupno neriješenih komunalnih predmeta je oko 1,5 miliona, a na ovih pet sudova je čak 70 posto od tih neriješenih predmeta.

15.07.2011.	Oslobođenje		
Strana, naslov:	Str. 28 – Osuđenici pune budžet		
Autor	Z.T.		
Rubrika, mjesto	Sarajevska hronika		
Površina	25 cm x 14 cm	Ocjena:	0
Ključna riječ	Općinski sud u Sarajevu		

*Ocjena: P – Pozitivna, 0 – Neutralna i N – Negativna

Polugodišnji izvještaj Općinskog suda u Sarajevu

Osuđenici pune budžet

Izmjenama zakona dozvoljeno izdržavanje kazne kod kuće ili plaćanje 100 KM po danu zatvora • Tri nova odjeljenja

Općinski sud u Sarajevu jučer je prezentirao polugodišnji izvještaj o radu, a predsjednik Goran Salihović, pored pojedinačnog predstavljanja rezultata svih odjeljenja, govorio je o strukturalnim promjenama u organizaciji, formiranju novih odjeljenja i kolektivnom godišnjem odmoru uposlenika ove institucije.

U Sudu je u prvoj polovini 2011. riješen 112.721 predmet, zaprimljen 107.491, dok je neriješenih ostalo 838.117 predmeta, među kojima je 789.339 komunalnih. Prema Salihovićevim riječima, ostvarena norma Suda u šestomjesečnom periodu iznosila je 225,16 procenata.

Veliku efikasnost u radu imalo je krivično odjeljenje koje je od 6.065 predmeta riješilo 4.066, što je gotovo tri puta više od zacrtane norme. U okviru izvršenja krivičnih sankcija, od 228 riješenih predmeta u zatvor su upućena 174 lica, kojima je izrečeno 248 godina, četiri mjeseca i dva dana kazne. Prvi put nema na čekanju



Velika efikasnost krivičnog odjeljenja

za izvršenje krivičnih sankcija ni jedno lice koje je osuđeno za ratne zločine u Sarajevskom kantonu, istakao je Salihović.

Na izdržavanje kazne zatvora do jedne godine čeka 195 lica.

Izmjenama i dopunama Krivičnog zakona i Zakona o izvršenju krivične sankcije FBiH, ovim licima je dozvoljeno da tu kaznu izdržavaju kod kuće, uz elektronski nadzor ili plaćanjem 100

KM za jedan dan zatvora, pa je po ovom osnovu u budžet FBiH već uplaćeno 171.700 KM.


Općinski sud je dobio tri nova odjeljenja, za izvršenje i pravna lica, radne sporove i opštu

nadležnost i poreze. U septembru počeo će sa radom renovirano odjeljenje za rješavanje malih sporova na Ilidži, a u ovim prostorijama smjestit će se i arhiv Suda.

Z. T.

Kolektivni odmor

Uposlenici Općinskog suda ove godine koriste će kolektivni odmor od 18. jula do 15. augusta. Ova novina je uvedena radi ušteda i bolje efikasnosti u radu. U ovom periodu će se primati smo predmeti koje je zakon propisao kao hitne i radi toga će biti mobilno 40 uposlenika. Zbog kolektivnog odmora došlo je do raskida ugovora o djelu, što Salihović ne smatra otpuštanjem radnika, jer će se, kako kaže, nakon odmora ugovori obnoviti.

15.07.2011.	Press		
Strana, naslov:	Str. 8,9 – Zubićima traže 50.000 KM da im vrate stan!		
Autor	Darko Mamić		
Rubrika, mjesto	Vesti dana		
Površina	25 cm x 30 cm	Ocjena:	0
Ključna riječ	Općinski sud u Sarajevu		
	*Ocjena: P – Pozitivna, 0 – Neutralna i N – Negativna		

ALKALAJEV POMOĆNIK I SUD REKETIR



BRUKA I SRAMOTA Stana Zubić

Zubićima traže

PRESUDU

ženom Zubić Marku iz Sarajeva, ul. Perko...
 cović Zoranu iz Sarajeva sa privremenim
 isplati iznos od 19.991,90 KM, a sve po
 u opravku, sanaciju i adaptaciju trospob
 Smajlovića 3d, sprat II, uvećan za iznos
 člana 1. Zakona o visini stope zatezne kr
 pa do dana isplate, kao i da tužitelju n
 ve u roku od 15 dana pod prijetnjom

voljno ispuniti svoje

Zubić, pomoćnik šefa diplo-
 matije je bacio oko i na
 njihovu porodičnu
 kuću u Kupresu i
 preko svojih veza
 isposlovaio pre-
 sudu suda u To-
 mislavgradu
 kojom je Zubićima
 zabranjeno
 da prodaju kuću
 dok njemu ne na-
 mire dug.

Naplaćivao kiriju

Stana Zubić kaže da je post-
 upak pomoćnika ministra
 spoljnih poslova, kao i pravo-
 sudnih organa u Sarajevu i To-
 mislavgradu, petnaest godina
 posle rata, nastavak etničkog
 čišćenje Srba. Da zlo bude ve-
 će, ističe ona, Perković nije bo-
 ravio u njihovom stanu, već ga
 je iznajmljivao i od 1996. do
 1999. godine naplaćivao kiriju.

Opštinski sud u Sarajevu je
 presudio u njegovu korist i na-
 ložio da moramo da mu plati-
 mo 19.000 KM, jer je on na-
 vodno toliko uložio u renovi-
 ranje našeg stana. Kao prvo,
 nema šanse da je uložio toli-
 ko, a uspjela sam da saznam da
 je dobio donaciju za renovira-
 nje stana, što znači da nije
 uložio svoj novac. Povrh sve-
 ga, on je iznajmljivao naš stan
 i uzimao kiriju, dok smo se mi
 potucali po belom svetu pošto
 smo izbegli iz Sarajeva, a na
 kraju je sud presudio u njego-
 vu korist. To je bruka i sramo-

50.000 KM da im vrate stan!

Skandal Sud u Sarajevu naložio je Marku i Stani Zubić da Zoranu Perkoviću nadoknade novac koji je navodno uložio u renoviranje stana koji im je oteo i izdavao ga „podstanarima“

Darko Momić
Banjaluka

Pomoćnik ministra spoljnih poslova BiH Zoran Perković četiri godine je bez ikakve naknade koristio stan Marka i Stane Zubić u sarajevskom naselju Vrace, a sada od njih traži skoro 50.000 KM na koliko je sa zateznim kamata- ma narasla suma koju je navodno uložio u renoviranje.

Ova srpska porodica kaže da je zaprepašćena presudom Opštinskog suda u Sarajevu kojom im je naloženo da Perkoviću isplate navedeni iznos. Pored toga, kako tvrdi Stana

Kutlešić: Šta je sa 228 vojnih stanova?

Predsednik Udruženja vojnih penzionera Milorad Kutlešić kaže da nije začuđen presudom u slučaju „Zubić - Perković“, ističući da 228 oficira bivše JNA i dalje bezuspešno potražuje svoje stanove po Federaciji BiH, uglavnom u Sarajevu.

- Sudovi su najveći krivci što se taj problem ne rešava. Oni stalno donose nekakve presude i prebacuju predmete sa opštinskih sudova na kantonalne, pa preko Vrhovnog na Ustavni sud i sve se vrti u tom začaranom krugu. Ne bi me iznenadilo, ako neko od oficira uspe da vrati stan, da mu nekakav šehid zatraži novac za navodnu sanaciju, kao u slučaju porodice Zubić. U tom slučaju sudovi bi sigurno stali na stranu šehida - kaže Kutlešić.



ta - kaže Stana.

Nije mi jasno, nastavlja Stana, kako je neko mogao naš stan da dodeli bilo kome i dopusti mu da godinama ubire kiriju, i da posle svega sud presudi da smo mi nekome dužni nešto da platimo.

- Posebna priča je naša porodična kuća u Kupresu na koju je Perković bacio oko i koje želi da se dokopa. On je preko svog advokata u sudu u Tomislavgradu blokirao našu imovinu i onemogućio prodaju kuće, iako je bilo zainteresovanih za njenu kupovinu - kaže Stana.

S druge strane, Perković kategorično odbacuje sve optužbe i kaže da od Zubića ne traži ništa nezakonito, već samo da se izvrše pravosnažne sudске presude. On ističe da je Komisija za kadrovska, stambena i administrativna pitanja tadašnje Vlade Republike Bosne i Hercegovine 23. septembra 1996. godine donela rešenje kojim je njemu dodeljen na korišćenje stan na kome je nosilac stanarskog prava bio Marko Zubić.

- Ušao sam u četiri prazna zida i devastiran stan i uložio sopstvena sredstva u njegovu sanaciju. Od Zubića nisam tražio ništa drugo osim da mi nadoknade uloženi novac. Sud-

AJU SRBE



VELIKODUŠNA PONUDA

Pokušavao sam da ih urazumim i predložio da mi plate samo glavnicu, odnosno 19.900 KM, a ja bih se odrekao kamata. Međutim, oni to nisu prihvatili

Zoran Perković

ski proces je trajao od 2000. do 2006. godine i okončan je pravosnažnom presudom u moju korist - kaže Perković.

Bacio oko i na kuću

Prema njegovim rečima, u nekoliko navrata je pokušavao da se nagodi sa Zubićima, ali oni na to nisu pristali.


- Pokušavao sam da ih urazumim i predložio da mi plate samo glavnicu, odnosno 19.900 KM, a ja bih se odrekao kamata. Međutim, pošto nisu želeli da se nagodimo, preduzeo sam druge pravne radnje kako bih zaštitio svoja prava i sada očekujem sprovođenje pravosnažne sudske presude i isplatu kompletnog duga sa kamatama - kaže Perković.

Prema sudskoj presudi, nastavlja on, ukupan dug koji Zubići imaju prema njemu, sa zateznim kamatama narastao je na skoro 50.000 KM.

- Lepo sam im nudio da se dogovorimo, ali oni uopšte nisu hteli da razgovaraju. Kada je reč o njihovoj kući u Kupresu, Marko Zubić je, pošto je sud u Sarajevu presudio da mora da mi plati ono što sam uložio u sanaciju stana, napravio ugovor o poklonu i kuću u Kupresu prepisao na suprugu. To je uradio da bi sprečio mo-

gućnost da se meni iz te imovine nadoknadi šteta. Zato sam preko advokata privremeno blokirao sprovođenje tog ugovora - objašnjava Perković.

On na kraju ističe da Zubići nisu oštećeni, jer su posle otкупа prodali stan koji je bio njemu dodeljen na korišćenje i naplatili ono što je on uložio u renoviranje.

15.07.2011.	Slobodna Bosna		
Strana, naslov:	Str. 10,11 – Sarajevski sud još jednom naložio vraćanje Duške Jurišić na posao		
Autor	N.H		
Rubrika, mjesto	Mini market		
Površina	6 cm x 31 cm	Ocjena:	0
Ključna riječ	Općinski sud u Sarajevu		

*Ocjena: P – Pozitivna, 0 – Neutralna i N – Negativna

PUŠKOM NA DUŠKU (II)

Sarajevski sud još jednom naložio vraćanje Duške Jurišić na posao

Slučaj otkaza **Duški Jurišić**, urednici *Federalne televizije*, pokazao je svu nemoć ovdašnjih sudova. Iako su sve odluke Suda, nakon otkaza kojeg je dobila kao urednica na *FTV*, bile upotpunosti u njezinu korist, Jurišićki još uvijek nije omogućeno da se vrati na radno mjesto. Izvršni odjel Općinskog suda u Sarajevu donio je rješenje o izvršenju kojim je naložio menadžmentu *RTV FBiH* da provede pravosnažnu sudska presudu i Jurišićku vrati na mjesto urednice *Informativnog programa*. Njezina radna knjižica već nekoliko sedmica nije u uredima *FTV-a* nego u Općini Novi Grad, u kojoj se nalazi ova medijska kuća i u kojoj se Duška Jurišić, iako je sud odlučio drugačije, još uvijek vodi kao nezaposlena. Nakon sudske odluke da joj je ilegalno dat otkaz u ovom mediju, menadžment *FTV*, na čelu sa direktorom **Džemalom Šabićem**, odlučio je ukloniti njezino radno mjesto, ali i kompletan *Informativni program*. Nakon što je presuda postala pravosnažna, Duška Jurišić je dobila otkaz. Dakle, iako je odluka iz ove nedjelje o izvršenju pravosnažna i iako žalba na ovu odluku ne odlaže izvršenje, nego *FTV*

mora istog dana po prijemu odluke, Jurišić vratiti na posao, što je sa preporukom hitno naložila i sutkinja u ovom predmetu, Duška Jurišić još uvijek nije vraćena na svoje radno mjesto. Sada, nakon ove posljednje u nizu pravosnažnih odluka sarajevskog suda, treba vidjeti hoće li se promotori demokratije i predvodnici slobodnog, istraživačkog novinarstva, kako sebe vole nazivati novinari *FTV-a* koji su nekada radili u redakciji *Informativnog*, a sada zabavnog programa, konačno počinovati odluci suda i vratiti Dušku Jurišić na posao.

(N.H.)

Duška Jurišić



INTERNET PORTALI

14.07.2011.	www.fena.ba			
Prilog:	OPĆINSKI SUD SARAJEVO U PRVOJ POLOVINI 2011. GODINE RIJEŠIO 112.721 PREDMET			
Autor	(Fena)gk/ef			
Rubrika				
Trajanje		-	Ocjena:	0
Ključna riječ	Općinski sud u Sarajevu, Goran Salihović			

*Ocjena: **P** – Pozitivna, **0** – Neutralna i **N** - Negativna

OPĆINSKI SUD SARAJEVO U PRVOJ POLOVINI 2011. GODINE RIJEŠIO 112.721 PREDMET

SARAJEVO, 14. jula (FENA) - Općinski sud Sarajevo (OSS) riješio je u prvoj polovini ove godine 112.721 predmet, a priliv u istom periodu iznosio je 107.491 predmet.

Ovaj sud je na početku 2011. imao neriješenih 843.347 predmeta, "naslijeđenih" iz prethodnih godina, a najveći dio njih, ili čak 94,18 posto odnosi se na tzv. komunalne predmete.

Pokazatelji su to što ih je danas na pres-konferenciji u Sarajevu prezentirao predsjednik OSS-a Goran Salihović, ocijenivši da je u svim odjeljenjima ostvaren napredak na planu efikasnijeg rješavanja predmeta te višestruko prebačena norma Suda, koja u prvih šest mjeseci tekuće godine iznosi 225,16 posto.

Tako je u sklopu Krivičnog odjeljenja OSS-a u toku šest mjeseci riješeno 228 predmeta, a na izdržavanje zatvorske kazne upućene 174 osobe, osuđene ukupno na nešto više od 248 godina. Salihović pojašnjava da je nakon određenih zakonskih izmjena i dopuna u FBiH otvorena mogućnost da osobe osuđene do jedne godine zatvora tu kaznu izvršavaju u kućnom zatvoru uz elektronski nadzor, odnosno da se takva kazna (do jedne godine) može na zahtjev osuđenika zamijeniti novčanom kaznom (jedan dan - 100 KM).

Na temelju novčane kazne u OSS-u riješeno je 13 predmeta te po tom osnovu u budžet FBiH uplaćeno 171.700 KM.

Po riječima predsjednika OSS-a, u sklopu Zemljišnoknjižnog ureda postignuta je dnevna ažurnost, a radi se o uredu u kojem je razriješen desetogodišnji zaostatak od 110.000 predmeta.

Istovremeno, u toku je realizacija projekta skeniranja starih zemljišnih knjiga što se provodi uz potporu (donaciju) vlade Kraljevine Španije.

Predsjednik OSS-a upozorava da je u promatranom periodu u Parničnom i izvršnom odjeljenju zabilježen porast broja predmeta za namirenje socijalnih potreba, a radi se o tužbama građana pokrenutim protiv FBiH radi potraživanja neisplaćenih osobnih primanja (plaća, naknada za topli obrok, regresa...) u skladu sa zakonom.

U Parničnom referatu takvih je 168 tužbi, a na izvršenju 1.562 predmeta u rješavanju.

Kako je rečeno, i oblast prekršaja bilježi pozitivan trend što se ogleda u uspješnom funkcioniranju Registra novčanih kazni, odnosno smanjenju broja prekršaja.

Jedna od bitnih promjena u sklopu OSS-a jeste i formiranje novih sudskih odjeljenja - Odjeljenja za radne sporove i Odjeljenja IP (izvršenja privrednih sporova), a u okviru prekršaja - Odjeljenja opće nadležnosti i poreza, dok je odranije u funkciji Porodično odjeljenje koje sada djeluje s većim brojem sudija.

14.07.2011.	http://www.dnevnik.ba/novosti/bih/sud-presudio-du%C5%A1ka-juri%C5%A1i%C4%87-		
Prilog:	Sud presudio: Duška Jurišić mora biti vraćena na posao		
Autor	(Z.Ž/Dnevnik.ba)		
Rubrika	-		
Trajanje		-	Ocjena: 0
Ključna riječ	Općinski sud u Sarajevu		

***Ocjena: P – Pozitivna, 0 – Neutralna i N – Negativna**

Sud presudio: Duška Jurišić mora biti vraćena na posao

Sudska odluka o povratku Duške Jurišić na mjesto urednice Informativnog programa FTV-a mora se izvršiti. Izvršni odjel Općinskog suda u Sarajevu donio je rješenje o izvršenju kojim je naložio menadžmentu RTVFBiH da provede pravosnažnu presudu i Dušku Jurišić vrati na mjesto urednice Informativnog programa, piše Oslobođenje.

Podsjećamo, nakon sudske odluke, RTVFBiH ukinula je njeno radno mjesto i Informativni program kao organizacionu cjelinu. Nakon što je presuda postala pravosnažna, Duška Jurišić je dobila otkaz. Pitanje je tko će odgovarati za objavljivanje netočnih informacija na FTV-u kako je odvjetnik Duške Jurišić, Plamenko Čustović, propustio rok za prinudno izvršenje, za neprovođenje sudskih presuda što predstavlja krivično djelo, te za protivpravnu primjenu izmijenjenog Statuta RTVFBiH.

Na današnjoj sjednici Zastupnički dom federalnog Parlamenta treba da se izjasni o nacrtu izmjena Zakona o RTVFBiH, kojim se predlaže ukidanje nadležnosti Parlamenta da daje saglasnost na Statut RTVFBiH, a čijim izmjenama je omogućeno ukidanje Informativnog programa RTVFBiH.

Inače, prema posljednjem revizorskom Izvješću FTV je u gubitku većem od 25 milijuna KM. Deset godina na čelu Upravnog odbora FTV-a bio je aktualni mandatar za predsjedavajućeg Vijeća ministara BiH Slavo Kukić.

14.07.2011.	http://www.vijesti.ba/hot-news/46447-VSTS-Imenovani-nosioci-pravosudnih-funkcija.html		
Prilog:	VSTS: Imenovani nosioci pravosudnih funkcija		
Autor	(Vijesti.ba/Srna)		
Rubrika	-		
Trajanje		-	Ocjena: 0
Ključna riječ	Općinski sud u Sarajevu,VSTV		

***Ocjena: P – Pozitivna, 0 – Neutralna i N – Negativna**

VSTS: Imenovani nosioci pravosudnih funkcija

SARAJEVO - Visoki sudski i tužilački savjet BiH /VSTS BiH/ imenovao je Nedžada Popovca za dodatnog sudiju u Sudu BiH i Velibora Miličevića za sudiju u Osnovnom sudu Brčko distrikta. Na dvodnevnoj sjednici VSTS-a, koja je danas okončala rad, imenovane su i sudije u Okružnom sudu u Banjaluci - Blagoje Dragosavljević, Sunita Šukalo i Sanja Stefanović...

Na sjednici su izvršena i imenovanja za pozicije u Federaciji BiH /FBiH/. Na poziciju tužioca u Tužilaštvu FBiH imenovan je Sead Kreštalica, dok je na poziciju stručnog saradnika u Opštinskom sudu u Sanskom Mostu izabran Haris Beganović.

Na pozicije stručnog saradnika u opštinskim sudovima u Velikoj Kladuši, Tuzli, Kaknju, Travniku i Sarajevu imenovani su Alen Lukač, Asmira Bešić, Muris Sakić, Amir Sobo, Ana Soldo, Saša Eraković, Mirela Čajić i Ajna Avdispahić-Đonko.

Pri donošenju Odluke o imenovanju VSTS BiH, između ostalog, uzeo je u obzir stručno znanje, radno iskustvo i radne rezultate, te stručne sposobnosti imenovanih zasnovanih na dosadašnjim rezultatima u karijeri, saopšteno je iz VSTS-a.

Imenovani nosioci pravosudnih funkcija na dužnost će stupiti 1. septembra, osim dodatnog sudije u Sud BiH, koji stupa na dužnost 1. avgusta.

14.07.2011.	www.srna.rs			
Prilog:	IMENOVANI NOSIOCI PRAVOSUDNIH FUNKCIJA			
Autor	n/ a			
Rubrika				
Trajanje		-	Ocjena:	0
Ključna riječ	VSTV, Općinski sud u Sarajevu			

*Ocjena: **P** – Pozitivna, **0** – Neutralna i **N** - Negativna

IMENOVANI NOSIOCI PRAVOSUDNIH FUNKCIJA

SARAJEVO, 14. JULA /SRNA/ - Visoki sudski i tužilački savjet BiH /VSTS BiH/ imenovao je Nedžada Popovca za dodatnog sudiju u Sudu BiH i Velibora Miličevića za sudiju u Osnovnom sudu Brčko distrikta.

Na dvodnevnoj sjednici VSTS-a, koja je danas okončala rad, imenovane su i sudije u Okružnom sudu u Banjaluci - Blagoje Dragosavljević, Sunita Šukalo i Sanja Stefanović.

Na sjednici su izvršena i imenovanja za pozicije u Federaciji BiH /FBiH/. Na poziciju tužioca u Tužilaštvu FBiH imenovan je Sead Kreštalica, dok je na poziciju stručnog saradnika u Opštinskom sudu u Sanskom Mostu izabran Haris Beganović.

Na pozicije stručnog saradnika u opštinskim sudovima u Velikoj Kladuši, Tuzli, Kaknju, Travniku i Sarajevu imenovani su Alen Lukač, Asmira Bešić, Muris Sakić, Amir Sobo, Ana Soldo, Saša Eraković, Mirela Čajić i Ajna Avdispahić-Đonko.

Pri donošenju Odluke o imenovanju VSTS BiH, između ostalog, uzeo je u obzir stručno znanje, radno iskustvo i radne rezultate, te stručne sposobnosti imenovanih zasnovanih na dosadašnjim rezultatima u karijeri, saopšteno je iz VSTS-a.

Imenovani nosioci pravosudnih funkcija na dužnost će stupiti 1. septembra, osim dodatnog sudije u Sud BiH, koji stupa na dužnost 1. avgusta.